

Na osnovu člana 11. stava (7) Zakona o novčanim podrškama u primarnoj poljoprivrednoj proizvodnji i prehrambeno prerađivačkoj proizvodnji („Službene novine HNK“, broj: 2/13), člana 6. Uputstva o načinu i uslovima za ostvarivanje podrški u primarnoj poljoprivrednoj proizvodnji i prehrambeno-prerađivačkoj proizvodnji za 2024. godinu („Službene novine HNK“, broj: 7/24), a vezano za član 5. stav (15) i stav (16) Programa utroška novčanih sredstava za novčane podrške u primarnoj poljoprivrednoj proizvodnji i prehrambeno-prerađivačkoj proizvodnji za 2024. godinu broj: 01-1-02-985/24; 01-1-02-3195/24, Ministar poljoprivrede, šumarstva i vodoprivrede Hercegovačko-neretvanskog kantona donosi

ODLUKU
O ODOBRAVANJU ISPLATE NOVČANIH PODRŠKI KLIJENTIMA KOJI SU
ISPUNILI USLOVE ZA DODJELU NOVČANE PODRŠKE - MODEL
KAPITALNIH/INVESTICIJSKIH ULAGANJA – SUBVENCIIJA NABAVKE
NOVE OPREME U STOČARSTVU – MUZILICE I MIJEŠALICE ZA HRANU

I

Odobrava se isplata novčanih podrški klijentima koji su ispunili uslove za dodjelu novčane podrške - Subvencija nabavke nove opreme u stočarstvu – muzilice i miješalice za hranu, u skladu sa članom 34. Uputstva o načinu i uslovima za ostvarivanje podrški u primarnoj poljoprivrednoj proizvodnji i prehrambeno-prerađivačkoj proizvodnji za 2024. godinu („Službene novine HNK“, br. 7/24), a vezano za član 34. Programa utroška novčanih sredstava za novčane podrške u primarnoj poljoprivrednoj proizvodnji i prehrambeno-prerađivačkoj proizvodnji za 2024. godinu, broj: 01-1-02-985/24; 01-1-02-3195/24 kako slijedi:

Obračunska tabela - Subvencija nabavke nove opreme u stočarstvu – muzilice i miješalice za hranu

R/b	Broj iz Registra klijenata RK	Broj iz Registra poljoprivrednih gazdinstava u RPG	Prezime i ime / naziv pravnog lica klijenta	Općina	Adresa	Ukupan iznos novčane podrške u KM
1.	200072570	12830900045	ALIHODŽIĆ ESMA	KONJIC	ZUKIĆI B.B.	292,00
2.	200579445	13455400265	DODIG BORKA	NEUM	PRIMORSKA 22.	290,00
3.	200826469	12151700266	SLOBODNI OBRT "ČILIĆ - N" VL. ČILIĆ NEDŽAD	JABLANICA	SOVIĆI 7	212,00

II

Na osnovu Odluke odobrava se isplata novčanih podrški na obračunskim tabelama koje se dostavljaju Ministarstvu finansija.

III

U skladu sa Programom i Uputstvom obračun novčane podrške za Subvenciju nabavke nove opreme u stočarstvu – muzilice i miješalice za hranu vezano za raspoloživa sredstva izvršen je u iznosu od 25% ukupne vrijednosti nove opreme u stočarstvu – muzilice i miješalice za hranu. Za nositelja porodičnog poljoprivrednog gazdinstva mlađeg od 35 godina na dan podnošenja zahtjeva ili žene nositeljice porodičnog poljoprivrednog gazdinstva obračun je izvršen u iznosu od 30% ukupne vrijednosti nove opreme u stočarstvu – muzilice i miješalice za hranu.

IV

Klijent koji je podnio zahtjev po Modelu kapitalnih/investicijskih ulaganja može ostvariti podršku u skladu sa propisanim uslovima samo po jednoj vrsti kapitalne/investicijske podrške. Klijent uz kapitalnu/investicijsku podršku može ostvariti i propisane vrste podrški (biljna proizvodnja i animalna proizvodnja).

V

Klijent treba biti upisan u Registar poljoprivrednih gazdinstava/Registar klijenata, te imati ažurirane podatke u registru u skladu sa odredbama Programa i Uputstva.

VI

Klijent gubi pravo na podršku ako nema aktivan bankovni račun koji je lično prijavio u Registar poljoprivrednih gazdinstava (RPG) i Registar klijenata (RK).

VII

Inspekcijski nadzor u provedbi Zakona o novčanim podrškama u primarnoj poljoprivrednoj proizvodnji i prehrambeno prerađivačkoj proizvodnji, Programa, Uputstva i ove Odluke obavljaju poljoprivredni inspektori Ministarstva. Poljoprivredni inspektor vrši uvid na mjestu proizvodnje kod klijenta, provjerava i utvrđuje vjerodostojnost podataka i dokumentacije koju je podnositelj zahtjeva dostavio s ciljem dobivanja sredstava za novčanu podršku za koju podnositelj zahtjeva odgovara.

Klijent je dužan izvršiti povrat isplaćenog iznosa novčane podrške odobrene ovom Odlukom u Budžet HNK ako poljoprivredni inspektor utvrdi nezakonito dobivanje sredstava.

VIII

Klijent ne može otuđiti opremu u stočarstvu (muzilice i miješalice za hranu) za koju ostvari podršku u razdoblju od dvije godine nakon isplate podrške. Ako poljoprivredni inspektor inspekcijskim nadzorom utvrdi da je klijent otuđio predmet podrške, donosi rješenje kojim klijentu naređuje povrat isplaćenih sredstava podrške u Budžet Hercegovačko-neretvanskog kantona.

IX

U skladu sa Zakonom, Programom i Uputstvom sačinjavanje zapisnika radi utvrđivanja činjeničnog stanja u svrhu ostvarivanja kantonalnih novčanih podrški, po mjestu proizvodnje vršili su ovlašteni državni službenici općine/grada. Za utvrđeno činjenično stanje na terenu kod klijenta na poljoprivrednom gazdinstvu u pogledu općih i posebnih uslova propisanih Uputstvom i podataka u RPG/RK, u skladu sa propisima odgovorni su državni službenici općine/grada koji su obavili uvid i sačinili zapisnik na terenu klijenta.

X

Sredstva za realizaciju ove Odluke osigurana su na poziciji „Poticaji u poljoprivredi“, organizacijska jedinica 37010006, ekonomski kod 614 400, PA0004, Budžetom i Izmjenama i dopunama Budžeta HNK za 2024. godinu („Službene novine HNK“, broj: 3/24, 20/24).

XI

Ova Odluka objavit će se javno na oglasnoj ploči Ministarstva, općine/grada i Web stranici Vlade HNK i Ministarstva, što je istovremeno i obavijest svim podnositeljima zahtjeva za novčanu podršku.

XII

Odluka stupa na snagu danom donošenja, a objavit će se u „Službenim novinama Hercegovačko-neretvanskog kantona“.

Bosna i Hercegovina
Federacija Bosne i Hercegovine
Hercegovačko - neretvanski kanton
Ministarstvo poljoprivrede, šumarstva i vodoprivrede

Broj: 03-20-3002/24
Mostar, 23.12.2024. godine

